

«ՍՏԱՐԼԻՆԿ ԷՅԷՄ» սահմանափակ պատասխանատվությամբ ընկերության կողմից Հայաստանի Հանրապետության տարածքում արբանյակային կապի գլոբալ համակարգերով շահագործվող հանրային էլեկտրոնային հաղորդակցության ցանցի կազմակերպման համար երկրորդական հիմունքներով 14,0-14,5ԳՀց և 10,7-12,7ԳՀց հաղորդման/ընդունման ռադիոհաճախականությունների տիրույթների օգտագործման թույլտվության

Պայմանները

(Թույլտվություն N°----, տրված Հայաստանի Հանրապետության հանրային ծառայությունները կարգավորող հանձնաժողովի 2024 թվականի դեկտեմբերի ---ի N°-Ա որոշմամբ)

1. Սահմանումներ

1. Սույն թույլտվությունում օգտագործված հիմնական հասկացությունները սահմանվում են հետևյալ կերպ.
 - 1) Հանձնաժողով՝ Հայաստանի Հանրապետության հանրային ծառայությունները կարգավորող հանձնաժողով.
 - 2) Թույլտվություն ունեցող անձ կամ Կարգավորվող անձ՝ «ՍՏԱՐԼԻՆԿ ԷՅԷՄ» սահմանափակ պատասխանատվությամբ ընկերություն.
 - 3) Թույլտվություն՝ Հանձնաժողովի կողմից Կարգավորվող անձին տրված սույն փաստաթուղթը, որը հավաստում է ռադիոհաճախականություն օգտագործելու նրա իրավունքը և պարտականությունը.
 - 4) Ֆորս մաժոր՝ արտակարգ և անկանխելի դեպքեր և հանգամանքներ, որոնք ստեղծվել են Կարգավորվող անձի կամ քից անկախ, ներառյալ (սակայն չսահմանափակվելով դրանցով) բնական աղետները, բնության ուժերի արտասովոր ուժեղ դրսևորումները, ինչպես, օրինակ,

ջրհեղեղները, երկրաշարժերը, փոթորիկները, պտտահողմերը, նաև սաբոտաժային գործողություններ, ահաբեկչություններ, պատերազմներ, ապստամբություններ, հասարակական անկարգություններ, գործադուլներ, որոնք խոչընդոտում են Կարգավորվող անձի գործունեությունը կամ հանգեցնում նրա ստանձնած ցանկացած պարտավորության կատարման ձգձգման կամ դադարեցման՝ հակառակ նրա կողմից գործադրված ջանքերի՝ խուսափելու, թուլացնելու կամ վերացնելու այդ ուժերի ազդեցությունը:

2. Թույլտվության գործողության ժամկետը

2. Թույլտվությունը ուժի մեջ է մտնում 2024 թվականի դեկտեմբերի --ից:
3. Թույլտվությունը տրվում է մինչև 2027 թվականի դեկտեմբերի ---ը գործողության ժամկետով:

3. Ռադիոհաճախականության օգտագործման էությունը կազմող գործառույթները

4. Թույլտվությունն ուժի մեջ մտնելու պահից Կարգավորվող անձին իրավունք է տրվում և պարտավորեցվում Հայաստանի Հանրապետության տարածքում արբանյակային կապի գլոբալ համակարգերով շահագործվող հանրային էլեկտրոնային հաղորդակցության ցանցի կազմակերպման համար երկրորդական հիմունքներով օգտագործել 14,0-14,5ԳՀց և 10,7-12,7ԳՀց հաղորդման/ընդունման՝ հետևյալ տեխնիկական ցուցանիշներով՝
 - 1) արբանյակային ցանցի անվանումը՝ Ստարլինկ Արբանյակային Համաստեղություն.
 - 2) հատկացված ռադիոհաճախականությունների տիրույթները՝
(հաղորդման/ընդունման) 14,0-14,5ԳՀց և 10,7-12,7ԳՀց.
 - 3) Երկրային կայանների (տերմինալների) ռադիոհաճախականությունները, հաղորդչի հզորությունը, ճառագայթման դասը, թվային տեղեկատվության հաղորդման արագությունը՝

Կայանի հերթական համարը	Ռադիոհաճախականու- թյունները (ՄՀց)		Հաղորդչի հզորությունը (Վտ)	Ճառագայթման դասը	Տեղեկատվության հաղորդման արագությունը (ՄԲիթ/վ)
	հաղորդման	ընդունման			
1	2	3	4	5	6
Ստարլինկ Մինի (UT3)	14.0-14.5ԳՀց	10.7-12.7ԳՀց	1.37	62M5D7W-հաղորդում 240MD7W-ընդունում	25-220 - ներբեռնում 5-20 - վերբեռնում
Ստարլինկ Ստանդարտ (UT3-V2)	14.0-14.5ԳՀց	10.7-12.7ԳՀց	3.69	62M5D7W-հաղորդում 240MD7W-ընդունում	25-220 - ներբեռնում 5-20 - վերբեռնում

4) Երկրային կայանների (տերմինալների) անտենաների տեսակը,
տրամագիծը, ուժեղացման գործակիցը, ճառագայթման ազիմուտը,
տեղի անկյունը՝

Կայանի հերթական համարը	Անտենայի տեսակը	Տրամագիծը (մ)	Ուժեղացման գործակիցը (դԲ)	Ճառագայթման ազիմուտը (աստիճան)	Տեղի անկյունը (աստիճան)
1	2	3	4	5	6
Ստարլինկ Մինի (UT3)	Էլեկտրոնային Փուլային Աղեղ տեղակայված երկրի վրա (Electronic Phase Array)	0.3	-	360	25
Ստարլինկ Ստանդարտ (UT3-V2)	Էլեկտրոնային Փուլային Աղեղ տեղակայված երկրի վրա (Electronic Phase Array)	0.5	-	360	25

- Կարգավորվող անձը պարտավոր է արբանյակային կապի գլոբալ համակարգերը շահագործել միայն հանրային էլեկտրոնային հաղորդակցության ցանցի համար:
- Երկրորդական հիմունքներով Թույլտվություն ունեցող Կարգավորվող անձը պարտավոր է Թույլտվությամբ տրամադրված ռադիոհաճախականություններն օգտագործել այնպես, որ այն վնասակար ազդեցություն չունենա առաջնային հիմունքներով Թույլտվություն ունեցող անձանց կողմից առաջնային հիմունքներով ռադիոհաճախականությունների օրինական օգտագործման վրա:
- Երկրորդական հիմունքներով Թույլտվություն ունեցող Կարգավորվող անձը չի կարող պահանջել պաշտպանություն առաջնային հիմունքներով Թույլտվություն ունեցող անձանց կայաններից, սակայն կարող է պահանջել

պաշտպանություն վնասակար խանգարումներից՝ ստեղծված այդ նույն կամ այլ երկրորդական հիմունքներով տրամադրված Թույլտվություններ ունեցող անձանց կայաններից, որոնց այդ Թույլտվությունները տրամադրվել են ավելի ուշ:

8. Կարգավորվող անձը պարտավոր է ռադիոհաճախականությունների տիրույթներն օգտագործել այնպես, որ վնասակար ազդեցություն չունենա այլ անձանց ռադիոհաճախականության օրինական օգտագործման վրա:
9. Թույլտվության պայմանների 6-րդ և 8-րդ կետերի խախտման դեպքում Հանձնաժողովը կարող է փոփոխություն կատարել թույլտվության մեջ:

4. Կարգավորվող անձի գործունեությունը

10. Կարգավորվող անձը պարտավոր է իր գործունեությունը իրականացնել «Էլեկտրոնային հաղորդակցության մասին» օրենքի, Հանձնաժողովի ընդունած իրավական ակտերի, Թույլտվության պայմանների և այլ իրավական ակտերի համաձայն:
11. Թույլտվությունը չի կարող օգտագործման տրվել այլ անձանց, օտարվել կամ գրավադրվել՝ բացառությամբ օրենքով սահմանված դեպքերի:
12. Կարգավորվող անձը պարտավոր է Հայաստանի Հանրապետության օրենսդրությանն համապատասխան ապահովել իր կողմից արբանյակային կապի գլոբալ համակարգերով շահագործվող հանրային էլեկտրոնային հաղորդակցության ցանցի հուսալիությունն ու անվտանգությունը:
13. Կարգավորվող անձը պարտավոր է Թույլտվությունն ուժի մեջ մտնելու պահից եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված արբանյակային կապի գլոբալ համակարգերի շահագործման տեխնիկական նախագիծը՝ երկու օրինակից: Տեխնիկական նախագիծը ընդգրկում է բազային կայանի ծածկույթի (սպասարկման գոտու) գծապատկերը աշխարհագրական քարտեզի վրա, արբանյակային կապի կազմակերպման սխեման՝ նշելով անտենաների ազիմուտները, տիպերը, բարձրությունները երկրի մակերևույթից,

- նադիոհաճախականությունների տիրույթում էլեկտրամագնիսական իրավիճակի պլանը, նշելով առկա կայանները և նադիոհաճախականությունները, որոնց համար իրականացվում է հաշվարկ:
14. Թույլտվության պայմանների 13-րդ կետով նախատեսված տեխնիկական նախագծի ներկայացումից հետո թույլտվության պայմանները կարող են փոփոխվել:
 15. Կարգավորվող անձը պարտավոր է Թույլտվության պայմանների 4-րդ կետում նշված որևէ տեխնիկական ցուցանիշի փոփոխության դեպքում եռամսյա ժամկետում Հանձնաժողով ներկայացնել կապի գծով քաղաքաշինության փաստաթղթերի մշակման լիցենզիա ունեցող անձանց կողմից մշակված արբանյակային կապի երկրային կայանի տեխնիկական նախագիծը՝ երկու օրինակից:
 16. Կարգավորվող անձը պարտավոր է ապահովել Թույլտվությամբ հատկացված նադիոհաճախականությունների տիրույթների արդյունավետ օգտագործումը:
 17. Կարգավորվող անձը՝ Հանձնաժողովի կողմից սահմանված կարգին և ձևերին համապատասխան, պարտավոր է իր գործունեության մասին տեղեկատվություն ներկայացնել Հանձնաժողով:
 18. Կարգավորվող անձը պատասխանատվություն է կրում իր գործունեության մասին Հանձնաժողով ներկայացրած տեղեկատվության հավաստիության համար:
 19. Կարգավորվող անձի՝ Հանձնաժողով ներկայացրած տեղեկատվությունը հրապարակային է, եթե այն Կարգավորվող անձի կողմից չի համարվում գաղտնի և նշված չէ որպես «գաղտնապահական տեղեկատվություն»: Կարգավորվող անձն իրավունք ունի ներկայացնել փաստարկներ և հիմնավորումներ՝ ապացուցելու համար, որ իր ներկայացրած տվյալների (ներառյալ՝ «գաղտնապահական տեղեկատվությունը») հրապարակումը կարող է վնասել իր գործունեության շահերին: Հանձնաժողովն իրավասու է

ընդունել կամ մերժել նման տեղեկատվության չհրապարակման վերաբերյալ
Կարգավորվող անձի խնդրանքը:

20. Կարգավորվող անձը պարտավոր է ազգային անվտանգության մարմինների պահանջով իր ապարատային միջոցների կազմում ընդգրկել լրացուցիչ սարքավորումներ և ծրագրային միջոցներ, ինչպես նաև անհրաժեշտ պայմաններ ստեղծել ազգային անվտանգության մարմինների կողմից օպերատիվ-տեխնիկական միջոցառումներ անցկացնելու համար:
21. Կարգավորվող անձը պարտավոր է օրենքով նախատեսված դեպքերում և կարգով ապահովել իրավապահ և ազգային անվտանգության աշխատակիցների մուտքը հաղորդակցության սարքավորումներին, ենթակառուցվածքներին, միացնող-անջատող, ուղղորդող և նմանատիպ այլ սարքերին, ներառյալ՝ գաղտնալսումների իրականացման համար անհրաժեշտ սարքերին:
22. Կարգավորվող անձը պարտավոր է հնարավորինս սեղմ ժամկետում Հանձնաժողով հայտնել այն հանգամանքների մասին, որոնք հանգեցրել կամ կարող են հանգեցնել Թույլտվության պայմանների խախտման:

5. Գործունեության վերահսկում

23. Թույլտվության պայմանների կատարման կամ պահպանման վերահսկումն իրականացնում է Հանձնաժողովը:
24. Թույլտվության պայմանների կատարման կամ պահպանման վերահսկումն ապահովելու նպատակով Հանձնաժողովի ներկայացուցիչներն իրավունք ունեն անարգել մուտք գործել Կարգավորվող անձի տարածք: Վերահսկումն իրականացնելու ընթացքում Կարգավորվող անձը պարտավոր է աջակցել Հանձնաժողովին:
25. Հանձնաժողովն անհրաժեշտության դեպքում, իր կողմից սահմանված կարգով և ժամկետներում, իրավունք ունի իրականացնելու Թույլտվության պայմանների պահպանման ուսումնասիրություն և Հանձնաժողով ներկայացված տեղեկատվության հավաստիության ստուգում:

6. Պատժամիջոցներ

26. Կարգավորվող անձի կողմից «Էլեկտրոնային հաղորդակցության մասին» օրենքի, Հանձնաժողովի ընդունած իրավական ակտերի պահանջները կամ Թույլտվության պայմանները չկատարելու, ոչ պատշաճ կատարելու կամ խախտելու դեպքում Հանձնաժողովն իրավասու է կիրառել հետևյալ պատժամիջոցները՝

- 1) տույժերի և տուգանքների կիրառում,
- 2) Թույլտվության փոփոխում,
- 3) Թույլտվության կասեցում,
- 4) Թույլտվության գործողության դադարեցում:

27. Կարգավորվող անձը Թույլտվության 26-րդ կետի համաձայն չի ենթարկվում պատասխանատվության, եթե արձանագրված խախտումները Ֆորս մատրիի հետևանք են:

7. Թույլտվության փոփոխություն, ժամկետի երկարաձգում, Թույլտվության կորստի դեպքում կրկնօրինակի տրամադրում

28. Ամրակցված արբանյակային կապի երկրային կայանի տեղադրման և շահագործման ընթացքում տեխնիկական ցուցանիշների ցանկացած փոփոխության դեպքում Կարգավորվող անձը անհապաղ դիմում է Հանձնաժողով՝ Թույլտվության մեջ փոփոխություններ կատարելու կամ նոր Թույլտվություն ստանալու հայտով:

29. Թույլտվության պայմաններում փոփոխություններ կարող են կատարվել Հանձնաժողովի կամ Կարգավորվող անձի նախաձեռնությամբ՝ Հանձնաժողովի կողմից սահմանված կարգով:

30. Թույլտվության կորստի (կորցնելու, ոչնչանալու և այլն) կամ գործողության ժամկետի երկարաձգման անհրաժեշտության դեպքում Կարգավորվող անձը պարտավոր է հայտ ներկայացնել Հանձնաժողով՝ վերջինիս կողմից սահմանված կարգով:

8. Այլ պայմաններ

31. Թույլտվության գործողությունը կարող է դադարեցվել Կարգավորվող անձի նախաձեռնությամբ՝ նրա գրավոր դիմումի հիման վրա:

9. Ծանուցում

32. Սույն Թույլտվության պայմաններով նախատեսված իրազեկումը, այդ թվում փաստաթղթերի հանձնումը, կատարվում է օրենքով սահմանված կարգով և ժամկետներում: